



**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo

**GRADSKO VIJEĆE**

Broj:  
Sarajevo, \_\_.\_\_.2023. godine

Na osnovu člana 31. stav (1) tačka b) i člana 77. stav (1) Statuta Grada Sarajeva („Službene novine Kantona Sarajevo”, broj 7/23), Gradsko vijeće Grada Sarajeva, na \_\_. sjednici održanoj dana \_\_.\_\_.2023. godine, primilo je k znanju

Informaciju o aktivnostima gradonačelnice Grada Sarajeva usmjerenim ka sveobuhvatnoj borbi protiv nasilja sa Prijedlogom Zaključka

**PREDSJEDAVAJUĆI GRADSKOG VIJEĆA**

**Jasmin Ademović**

---

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 216 659  
**Fax:** +387 33 205 874  
**Email:** gsgv@sarajevo.ba  
**Web:** gradskovijece.sarajevo.ba





**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**GRADONAČELNICA**

**INFORMACIJA**  
**O AKTIVNOSTIMA GRADONAČELNICE GRADA SARAJEVA USMJERENIM KA**  
**SVEOBUHVAATNOJ BORBI PROTIV NASILJA SA PRIJEDLOGOM ZAKLJUČKA**

**Predlagač:** Gradonačelnica  
**Obradivač:** Stručna služba za poslove kabineta  
i poslove Gradske uprave

**Sarajevo, septembar 2023. godine**

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 407 443  
**Fax:** +387 33 208 341  
**Email:** grad@sarajevo.ba  
**Web:** www.sarajevo.ba



Svjesna činjenice poraslog nasilja sa kojim se susrećemo u posljednje vrijeme, a pri tome užasnuta događajima koji su se desili u prethodnom periodu (kao što je nemili događaj, tragično ubistvo u Gradačcu, između ostalih stradalih, majke malodobnog djeteta Nizame), gradonačelnica Grada Sarajeva pokrenula je čitav niz aktivnosti koje su imale cilj reći snažno „NE“ svakom obliku nasilja. Tako je na inicijativu i u organizaciju Grada Sarajeva, gradonačelnice Grada Sarajeva, dana 14.08.2023. godine održana protestna šetnja „za sve žrtve nasilja, za ubijenu Nizamu, za institucionalno rješavanje problema, za budućnost naše djece bez nasilja.

Ovaj oblik podrške ocjenjen je kao izuzetno potreban iz razloga što je Sarajevo glavni grad Bosne i Hercegovine i što ovaj grad mora biti tačka otkuda se trebaju slati sve važne i snažne poruke.

Nadalje, nesporno je i to da ovaj oblik mirnog protesta predstavlja minimum koji se u datom momentu i prisutnim okolnostima može učiniti.

Bitno je napomenuti da je ovoj mirnoj i dostojanstvenoj šetnji prisustvovalo preko 10.000 građana, a sam događaj je protekao bez ijednog incidenta i njegov rezultat su bili određeni, jasni i precizni zahtjevi prema nadležnim organima i institucijama usmjereni ka suzbijanju svakog oblika nasilja, a naročito nasilja prema ženama.

Pokazatelj da se neće biti samo nijemi promatrač je obilazak sigurnih kuća koje djeluju na prostorima naše države, a koji je uslijedio ubrzo nakon naprijed navedenog događaja.

Tako je gradonačelnica Grada Sarajeva izvršila obilazak sigurnih kuća koje u momentima kada se žrtve nasilja sa istim neposredno suoče, vrlo često predstavljaju jedini oblik zaštite i pomoći koja im je prijeko potrebna.

Izvršen je obilazak:

- sigurne kuća Mostar – dana 22.08.2023. godine
- sigurne kuća Sarajevo – dana 23.08.2023. godine
- sigurne kuća Zenica – dana 24.08.2023. godine
- sigurne kuće Bijeljina, Modriča i Banja Luka – dana 25.08. 2023. godine
- sigurne kuća Tuzla – dana 28.08.2023. godine

U toku pobrojanih posjeta obavljani su razgovori sa ovlaštenim predstavnicima sigurnih kuća, kao i sa korisnicama istih, žrtvama nasilja, te je utvrđeno da je svima podjednako neophodna podrška svake vrste, od one institucionalne pa do finansijske podrške.

Ovu podršku je pružana i do sada i tu su opredjeljenja organa Grada Sarajeva, Gradskog vijeća i gradonačelnice uvijek usaglašena i usmjerena ka ovim vidovima podrške.

Grad Sarajevo će i u narednom periodu izvršiti izdvajanje značajnijih finansijskih sredstava koja će se usmjeriti sigurnim kućama koje rade i djeluju na području BiH. To je naša dužnost i naša obaveza. Također, pored finansijske podrške, neophodno je djelovati i prema nadležnim organima i institucijama na način da se traži hitno i neodložno pristupanje sistemskom rješavanju problema prisutnih u ovoj oblasti.

Prethodno su i razlozi zbog kojih je uz dostavljenu Informaciju pripremljen i Prijedlog Zaključka, čijim usvajanjem će se delegirati sva pitanja čije rješavanje je neophodno i koja predstavljaju pokazatelj koji je glavni cilj prema kojem treba i mora biti opredijeljeno naše cjelokupno društvo –  
**USPOSTAVLJANJE NULTE TOLERANCIJE NA NASILJE.**

Na osnovu člana 31. stav (1) i člana 77. Statuta Grada Sarajeva („Službene novine Kantona Sarajevo“, broj 7/23), Gradsko vijeće Grada na \_\_. sjednici održanoj dana \_\_. \_\_.2023. godine, a povodom razmatranja Informacije o aktivnostima gradonačelnice Grada Sarajeva usmjerenim ka sveobuhvatnoj borbi protiv nasilja, donijelo je sljedeći:

**(Prijedlog)**

### **ZAKLJUČAK**

1. Zahtijeva se hitno utvrđivanje eventualne odgovornosti policijskih službenika i nosilaca pravosudnih funkcija, kao i adekvatno sankcioniranje u slučajevima eventualno utvrđenih propusta i krivične odgovornosti navedenih lica, te blagovremeno izvještavanje javnosti o poduzetim radnjama i postignutim rezultatima u slučaju tragičnih događaja u gradu Gradačac, kao i svim sličnim slučajevima prisutnog nasilja.
2. Pozivaju se nadležni subjekti da povećaju kapacitete sigurnih kuća za žrtve nasilja/korisnike sigurnih kuća, te da se pristupi njihovoj izgradnji na područjima na kojima ih nema, kao što je slučaj sa gradom Gradačac.
3. Traži se od nadležnih organa i institucija da u sigurnim kućama, pored fizičke zaštite, korisnicima istih osiguraju neophodnu psihološku podršku, pravnu pomoć, kao i zbrinjavanje obrazovnog procesa djeteta.
4. Pružiti institucionalnu podršku kroz sistem socijalne zaštite koja treba biti adekvatna i uvezana sa nadležnim organima.
5. Traži se da nadležni zakonodavni organi promptno pristupe donošenju propisa kojima će se efikasno kontrolirati objave svih vrsta i oblika sadržaja koji promoviraju ili podstiču nasilje.
6. Pozivaju se i ohrabruju žrtve nasilja, kao i sva lica koja raspolazu informacijama o nasilju, da iskažu visok stepen odgovornosti i bez odlaganja izvrše prijavu uočenog nasilja, te na taj način spriječe eskalaciju sa tragičnim ishodima.
7. Pozivaju se nadležne vlade, ministarstva i drugi relevantni subjekti da osiguraju efikasnu zaštitu žrtava nasilja, prevashodno u smislu interventnog djelovanja po podnesenim prijavama, kao i da obezbijede adekvatnu zaštitu prijavitelja nasilja.
8. Pozivaju se nadležne vlade, ministarstva i drugi relevantni subjekti da izvršioce težih krivičnih djela stave pod poseban, efikasan i redovan nadzor policijskih organa, i to nakon odsluženja dosuđene kazne, kao i da se zakonom definiše odgovornost policijskih službenika u slučajevima propuštanja poduzimanja službene radnje.
9. Ukazuje se na potrebu saradnje sa policijskim organima, a nadležni organi i institucije se pozivaju da organizuju posebne treninge za policijske agencije i službenike o načinu pristupa žrtvama rodno zasnovanog nasilja i nasilja u porodici.
10. Traži se drastično stroži pristup u slučajevima ponavljanja ili eskalacije nasilja, te intenzivan rad na pravovremenoj procjeni rizika, kao i pozivanje na odgovornost i sankcioniranje policijskih službenika u slučajevima neadekvatnog reagovanja na slučaj nasilja.
11. Femicid definirati kao posebno krivično djelo donošenjem adekvatnih propisa ili izmjenama i dopunama važećih propisa ( Krivičnog zakona BiH i drugih propisa), i to na način da se ovo djelo propiše kao poseban oblik ubistva i u tom smislu integriše njegovo prepoznavanje kao posebnog zločina u sudskim praksama u BiH.
12. Traži se rigoroznije i oštrije procesuiranje slučajeva nasilja nad ženama, a za krivična djela rodno zasnovanog nasilja, nasilja u porodici i femicida, pooštavanje sankcija kroz dugoročnije zatvorske kazne.

13. Apeluje se na obrazovne i vjerske ustanove da preuzmu svoj dio odgovornosti i posebnu pažnju posvete edukaciji mladih u smislu promocije nenasilja u porodici i široj zajednici.
14. Pozivaju se nadležni organi da hitno poduzmu aktivnosti u cilju proširenja zatvorskih kapaciteta, a sve u cilju da se omogući da izvršioци krivičnih djela, po izricanju osuđujuće zatvorske kazne, odmah stupe na izdržavanje iste, te da se na taj način spriječi nerijetko prisutna praksa da izvršioци krivičnih djela uslijed nedostatka zatvorskih kapaciteta, zatvorske kazne odsluže tek protekom određenog vremena ili ih uopće ne odsluže.
15. Apeluje se na nadležne subjekte da efikasno prate i reaguju na medijsko izvještavanje koje kroz svoje sadržaje podstiče i promovise nasilje i izvršioce krivičnih djela.
16. Traži se od nadležnih organa da istraže i sankcionišu širenje i podržavanje svih vrsta i oblika nasilnog sadržaja na društvenim mrežama, kao i reakcija i djelovanje Vijeća za štampu BiH u slučajevima neadekvatnog medijskog izvještavanja o nasilju nad ženama, a koje dehumanizira žene.
17. Traže se javne kampanje prevencije rodno zasnovanog nasilja, nasilja u porodici i femicida, kao i korektno i profesionalno medijsko izvještavanje o slučajevima nasilja nad ženama i femicida.
18. Traži se sprovođenje Međunarodnopravnih obaveza u smislu sveobuhvatne implementacije i poduzimanja mjera iz Istanbulske konvencije i Konvencije Vijeća Evrope o sprječavanju i borbi protiv nasilja nad ženama i nasilja u porodici.
19. Konstatuje se da je prisutno stanje u vezi sa svim oblicima nasilja rezultat zanemarivanja žrtava nasilja i višedecenijske zapuštenosti ove problematike, te da je posljednji trenutak da se pristupi donošenju i uspostavljanju adekvatnih mjera, jer oni koji su odgovorni, a tolerišu ovakvo stanje postaju saučesnici u vršenju nasilja.
20. Ovaj Zaključak će biti dostavljen nadležnim organima i institucijama u čijoj nadležnosti je postupanje po istom i bit će prezentovan na službenoj web stanici Grada Sarajeva.

## **PREDSJEDAVALJUĆI GRADSKOG VIJEĆA**

**Jasmin Ademović**

Broj:  
Sarajevo, \_\_. \_\_. 2023. godine